

Meeraateqarfik ‘Paarsi’ 2020 -mut pilersaarut



Meeraateqarfik ‘Paarsi’

Annertusoq 1056

3912 Maniitsoq.

Postbox 170

Tlf: 81 35 30

Ini Qilalukkat Tlf: 817143.

Ini Pakkalukkat Tlf: 817142.

Ini Niviukkat Tlf: 817141.

Email:paarsimaniitsoq@qeqqata.

Meeraateqarfiup ilisaritinnera:

Meeraateqarfik "Paarsi" atulerpoq 14.maj 1990.

Meeqqanut 0-4½-nik ukiulinnut, meeqqat katillugit 44-nut naatsorsuussaavoq.

Init pingasuusut taaguuteqarput :

Ini "Niviukkat"- ni meeqqat 0-3-nik ukiullit 12-it

Ini "Pakkalukkat"-ni meeqqat 0-3-nik ukiullit 12-it

Ini "Qilalukkat"- ni meeqqat 3-5-nik ukiullit 20-it

Sulisut imatut naatsorsuussaapput: Soc.Pædagog , Soc.Hjælper /barnehjælper, Ikiortit, eqqiaasoq/igaffimmioq. Illumi sulisut tamakkerlutik 11.

Ullaakkut nal.6:45 ammartarpoq,aggiussisarnerup killinga nal: 9:00 Pissuteqarlutik kingusinaarniartut 9:00 nallertinnagu nalunaartassapput. Taamaattorli meeqqat tamarmik kingusinaarunneqaraluarpataluunniit tiguneqartussaapput . Kingusinaakulanerulernermi angajoqqaat / akisussaasut oqaloqatigiinneq aqqutigalugu pissutsinik iluarsiniaqatigiittarput.

Neriffiit: nal. 8:00 ullaakkorsiorneq taamaattarpoq. Nal. 11:00 Ullup qeqqasiorneq. Nerisassanik sassaalliinerit, igaartorfiit marlungorneq, sisamangorneq. Iffiartorfiit ataasingorneq, pingasungorneq tallimangonerlu.

Nal.14:00 Ualikkorsiorneq. Neriffiit akornisigut annikitsunik kaannaveeqqusertarput. Iggisigisarpaat imeq immullu. Meeqqat imerusunnertik najoqqutaralugu imermik imertarput.

Meeqquerivik matulerpat kingusinnerpaamik aallerfissaq 16:45. Aaneqanngippata nal:17:00 ilaqutariinnut imikkoortortaqarfik attavigineqassaaq. Meeqqat aallersui 12-nik ukioqalereersimassapput. Putumasut meeqqanik aalleqqusaanngillat, taamaattoqarpat ilaqutariinnermut immikkoortortaq attavigineqassaaq.

Ukioq nutaaq 1.januar 2020 aallarnerfigalugu Qeqqata Kommuniani meeraaqquerivinni tamani nangeqartitsisarneq atorunnaassaaq.

Inatsit atornegartog:

Perorsaanikkut anguniakkat:

”Meeqqanut suli atualersimangitsunut perorsaanikkut inerikkiartuutaasunik ulluunerani neqeroorutit pillugit **Inatsisartut inatsisissaattut siunnersuut nr. 16, 3. december 2012-meersoq**” siunertaraa, meeraq qitiutillugu meeqqamullu angajooqqaatut oqartussaasut/meeqqamik pilersuisuiusut suleqatigalugit meeqqanut ataasiakkaanut annertunerpaamik pitsaanerpaamillu ikorfartuinissap qularnaarneqarnissaa, tassuunakkut meeqqap peqqissumik imaqarluartumillu inerikkiartornissaa qularnaarumallugu.

Anguniagaq 4, Pitsaassusilimmik ilinniartitaaneq.



Anguniakkat

Taakku ulluinnarni Tunngaviit 7-vit atortinneranni attupillanneqartuaannarput.

- **Angoqqaagassaq 4.1** Ukioq 2030 nallertinnagu qularnaarneqassaaq, niviarsiaqqat nukappiaqqallu akeqanngitsumik, tunngaviusumik inissaqartitsilluartumik qaffasissumik atuartitaassapput, pisariaqartinneqartunik kinguneqarluartunillu ilinniartitsinerit inereqassallutik.
- **Angoqqaagassaq 4.2** Ukioq 2030 nallertinnagu niviarsiaqqat nukappiaqqallu tamarmik pisinnaatitaaffiat qularnaarneqassaaq ineriartornikkut siusissumik tapersorsorneqassapput, asattuuneqarlutik atualinginnerini qaffasissumik pitsaassusilimmik atualernissaannut piareersarneqassallutik, atualeriaannaanermut piareeqqasussanngorlugit.
- **Angoqqaagassaq 4.3** Ukioq 2030 nallertinnagu arnat angutillu tamarmik assigiimmik periarfissaqartitaassapput teknik-itigut, suliffeqarfimullu aallaavigalugit qaffasinnerusumik ilinniartitaasinnaannaannut, ilisimatusarfinni akileruminarsinnaasumik periarfissaqartitaassallutik.
- **Angoqqaagassaq 4.4** Ukioq 2030 nallertinnagu inuusuttut inersimasullu piginnaaneri naleqquttunut atorfinissinnaaneri teknik-imik suliffeqarfimullu allanut nutaaliorsinnaanermilluunniit piginnaaneqartut qaffassarneqassapput.
- **Angoqqaagassaq 4.5** Ukioq 2030 nallertinnagu, ilinniarfeqarfimni suaassutsit assigiinngisinneqartarneri peerutereersimassapput, qularnaarneqarsimassaaq tamanut assigiimmik ilinniarfimmu aamma suliffeqarfimni ilinniartitsineq aallunneqassalluni, innarluutillit nunat inoqqaavi kiisalu meeqqat arlaatigut eqqugaanerlussimasut eqqarsaatigalugit.
- **Angoqqaagassaq 4.6** Ukioq 2030 nallertinnagu, inuusuttut inersimasullu, angutit arnallu, atuarsinnaalersimassapput aamma kisitsisinnaalersimassapput.
- **Angoqqaagassaq 4.7** Ukioq 2030 nallertinnagu, atuartut tamarmik ilisimasaqalersimassapput piginnaaneqalersimassallutillu, piujuartitsisinnaanermut ineriartortitsisinnaanermik, ilaatigut

piujuartitsisumik inuusaaseqalersimassallutik, inuit pisinnaatitaaffiik ilisimasaqalersimassallutik, suaassuseq apeqqutaatinnagu naligiinneq, eqqissinartumik nakuuserfiunngitsumik kultur-eqarneq taamatullu kultur-ip taassuma piujuartitsisalernermik sunniuteqarluartarnissaanik ineriartortitsiffiussasoq.

- **Angoqqaagassaq 4.a** Ilinniartitsiveqarfiusut nutarsagaasumik pilersinneqassapput, meeqqap pisaariaqartuitaanut naapertuuttumik aqqissuussaasumik, innarluuteqarpat suaassusaaluunniit apeqqutaatinnagu, isumannanngitsumik, nakuuserfiunngitsumik aamma inissaqartillugit kinguneqarluartumik ilinniartitsiviusumik tamarmik avatangiiseqartinneqassallutik.
- **Angoqqaagassaq 4.b** Ukioq 2020 nallertinnagu, ilinnialersartunut tapiissutit nunani ineriartortitassaasuni malunnaatilimmik nunarsuaq tamakkerlugu qaffatsinneqassapput, pingaartumik nunani ineriartornikinnerpaasuni, nunani ineriartortitassaasuni aamma qeqartaartalinni taamatullu afrikami, qaffasinnerusumik ilinniarfeqarfinnut isertartussat, tassani suliffeqarnissamut ilinniartitsinerit aamma attaveqartarnermut teknik-imik ingeniør- aamma ilisimatusarnermik aqqissuussaasunut nunani ineriartorsimasuni taamatullu ineriartortitassaasuni ingerlanneqartussanik.
- **Angoqqaagassaq 4.c** Ukioq 2030 nallertinnagu, ilinniartitsisut ilinniagaqarsimasut malunnaatilimmik amerlisarneqarsimassapput, ilaatigut nunarsuarmi nunat assigiinngitsut suleqatiginerisigut, nunanut ineriartortitassaasuni ilinniartitsisunngortussanik ilinniartitsineq ingerlanneqassaaq, pingaartumik nunat ineriartortitassaasuni taamatullu nunat ineriartortitassaasuni qeqartaartalinni ingerlanneqarsimassalluni.

TUNNGAVIIT 1-7

Meeqquerivimmi meeqqap ineriartornerani sakkut pingaarnerpaat atukkagut tassaapput , tunngaviit 1-7-mut. Tunngaviit meeqquerivimmut sukumiinerusumik paasiniarneqarsinnaapput. Angajoqqaanut ataatsimiisitsinermi itisilerneqarlutik.

T1: Sammisaaqatigiilluni pilersitsineq.

T2: Oqaatsinik allassinnaalernissanut atuarsinnaalernissamullu inerisaaneq.

T3: Ilisimasanut misilittskkanulluunniit ataqatigiilersitsineq.

T4: Apeqqutit atorlugit eqqarsalersitsineq.

T5: Oqaloqatigiinnikkut ilitsersuineq.

T6: Issuagassiineq, Ilagaassiineq Maligassiinerluunniit.

T7: Meeqqat isumassarsiaat kissataalluunniit aallavigalugitsammisaqartitsineq

Sammisaqarnermi pingaartutut malinneqartarput: 1. Piareersarneq 2. Timitaliilluni iliuseqarneq. 3. Naliliineq , ataatsimut eqqartueqatigiinneq,upernarsaasersuineq.

Atortorissaarutit soorlu makku atorlugit: Video, iPad , Computeri , Assiliissut .
Pilersaarutit suuneri inini sulisunit nalunaarsorneqartarput.

Naliliineq uppernarsaasersuinerlu:

Meeqqueriviit pisussaaffigalugu minnerpaamik ukiumut marloriarlutik angajoqqaanik oqaloqateqartassapput meeqqap inerikkiartoqqinnerani suleqatigiinnissaq siunertaralugu. ”Meeqqap inerikkiartornera pillugu oqaloqatigiinneq, meeqqap qaammammi inuuissiortarfiani, ukiullu affaata qaangiunnera ingerlanneqartassapput”. Inerikkiartornera pillugu oqaloqatigiinnerup aappaa, meeqqap angerlarsimaffiani ingerlanneqarsinnaavoq.

Meeqqap ineriartornerani killiffissiuinermi uku atorneqartarput :

Meeqqap killiffissiornerani angajoqqaanik oqaloqateqarnermi najoqqutarineqartartut ukuupput: **Meeraaqqerivittaani** Meeqqap piginnaanerilertagaat(Dansk pædagogisk udviklingsbeskrivelse).najoqqutaralugu.

Meeqquerivittaani: Meeqqap ineriartornermini inissisimaffianut misissuut (MIIM -3) Aammalu Pisariaqavissappat TRAS / RABU.Najoqqutaralugu. Taakkulu allaaserineqarsimasut tamarmik meeqqap nuuffianut ingerlatinneqartarput.

Atuisut ataatsimiisinneranni periuseq atorneqartartoq

Ataatsimiinnerni periuseq atorneqartartoq,ataatsimiinnermi qulequtaritinneqartoq aallaavigalugu,angajoqqaat periarfissinneqartarput (Gruppertinneqarlutik) anguniagaalluni iluminni eqqartueqatigiinnissaat,avitseqatigiinnissaat,ikioqatigiinnissaallu, kingornalu sulisunut anngukkusutaminnik anngusinerat.

Qeqqata Kommuniani ataatsimut anguniagassat siunertaat:

Meeqqat sulisullu pitsaasumik ineriartorsinnaallutik pitsaasunik atugassaqartitsilluni ulluunerani neqerooruteqarnissap qulakkeerneqarnissaa ataatsimut anguniagassat siunertaraat. Tamatuma saniatigut meeqqat toqqissisimallutik, piffissaqarfigineqarlutik, meeqqat imminnut tatiginninnerat nammineersinnaanerallu nukittorsarneqarluni ineriartortinneqarlunilu ulluinnarni neqerooruteqarnermi meeqqap piginnaasatigut piunasaqarfigineqarnissaata qulakkeerneqarnissaa ataatsimut anguniagassatigut aamma siunertaavoq.

Meeraq pillugu suleqatigiinneq:

Meeqqat immikkut pisariaqartitsisut pisariaqartitsinertik naapertorlugu tapersorsorneqarnissaannut meeqquerivinni sulisut peqataassapput, soorluttaaq immikkut suliniutigisariaqartumik meeraq ajornartorsiuteqarnersoq angajoqqaavi suleqatiginerisigut eqqummaariffigissallugu.

Meeqqap immikkut tapersorsortariallip ikiorserneqartariallillu siusissumik ataqatigiisumillu suliniuteqarfiginissaa qulakkeerumallugu, angajoqqaat sulisullu suleqatigiittarput.

Pisariaqartitsineq naapertorlugu akimorlugit suleqatigiit ataatsimeeqatigineqartarput.

Siusissukut iliuuseqarneq:

Sulisuniit Pingaartipparput meeraqqap inunngornerminiit pisariaqartitaanik tunioraaqataassalluta ukuusunik: nerisaqartinneqarnissaa,naammattumik sinittarnissaa,kissalaamik, qanilaarnermik,ilorrisimaarfeqarnissamillu misigisaqartinissaa.

Meeraq aallaavigalugu angajoqqaanik suleqateqarneq eqaallisarnerullugu iliuuseqajaarnissamut periarfissaq atorluarlugu ingerlanneqartarpoq, Ajornartorsiutit allinnginnerini angajoqqaat sulisullu ataatsimeeqatigiittarlutik,(Anguniagaqartarlutik) tamaattumik meeqqamut aporfingorsinnaagaluartut pinngitsoortinneqartarlutik aammalu aaqqiiaarnermik kinguneqartarlutik.

netværksmøde-lu pisariaqatitsineq aallaavigaluu ingerlanneqartarpoq

Maslow malillugu inuup pisariaqartitai ulluinnarni sulinitisinni qiviallattaaneqartuaannarput

- **Namineerluni piviusungortitsisinnaaneq/Namminersuussisinnaassuseqarneq**
- **anguniagaqarneq, pilersitsisinnaaneq, misileraaneq, nutaaliorluni ineriartortitsineq. Inuup namminiussusaanut tunngasoq**
- **inissisimaffeqarnissaq, kinaassutsimik illersuineq, akuerineqarneq, kinaassutsimik paasinninneq. Inooqataanermut tunngasoq**
- **ataatsimoorneq, asanninneq, qanilaarneq, attaveqarneq, akuerineqarneq, Misigitsutsimut /Toqqissisimanermut tunngasoq** toqqissisimaneq, illersorneqarneq, atugassarititaasut aalajangersimasut. **Timikkut pisariaqartitat**
- **Nerisassat, sinik naammattoq, kissarneq/ Qanilaarfigneqarneq, ilorrisimaarfigneqarneq.**

Meeraateqarfiup anguniagai:

Meeraq imminut naleqartittoq.

Meeqqap paasissagaa inuttut ataasiakkaatut piginnaasamigut tapersorneqassalluni, ilikkagaqarusussusermik, piunassusermik, sapiissusermik, tunuarsimaannginnermik takutitsisinnaassusermik misilittagaqarusussusermillu periarfissinneqassalluni, Kinaassutsini toqqammavissatut tulluusimaarutigalugu, anguniakkatsinni pingaartillugu pinngortitaq atorluartarparput, meeraq imminut naleqartittoq toqqammavigalugu sammisaqarneq tulluussarlugu ingerlanneqartarput. Ukiup ingerlanerani sammisassat pilersaarutit nivinngaavinni nivingasarput

Ukiup nikerarfii toqqammavigalugit timikkut peqqissuunissamik anguniagaqarneq: Paarsip ataatungaani nunaminertaq sivingasoq, sissamut qanittoq, ungalooqarpoq taanna atorineqartarpoq, pinngortitallu atorluarnissaa paarinissaalu, Soorlu makku sammineqartarput: Silatitsinni saliineq, Meeqeriviup eqqaani arpaneq, aqqusinikkut pisuttuarneq, nunamukarneq taamatullu nunatta pissarititaaneq katersineq, taseqerineq, apuserinerlu.

Pingaartinneqarpoq naleqartinneqarlunilu ulluinnarni Sinaakkutaqartitsineq:

Perorsaanermi pingaartinneqarpoq, meeqqap mikinnerminiit paasissagaa, killilerneqartarneq, sinaakkutaqartitaanerlu, taakkulu malunnaatilimmik timitalerlugit Meeqerivittaani "Qilalukkani" atortinneqarput.

Meeqqap imminut tatigisup aqutissiuunnerani sakkut atorneqartartut ilagaat ullaakkut ullorsioarneq taamatullu (Meeqquerivittaani Qilalukkani) meeqqat sulisullu iniminni ataatsimeeqatigiittarnerat, tassani meeqqat sunilluunniit oqaatigerusutaminnit oqaaseqartarput aammattaaq KAMMAGIITTA – mik eqqartuineq, ulluinnarni pisartut aallaavigalugit oqaluserisaqartarlutik, meeqqat akornanni tullerriaattumik allatseqartarput taamatullu aqutsisoqarlutik, allatsillu allataat ataqqineqarlutik nivinngaavimmut nivinngarneqartarput angajoqqaanut takusassiaralugit

Kælderimi ineeraateqarput (Qasuersaartarfimmik taasagarput)

Meeqqat ilaat amerlasuut akornaaniikaangamik ullormut tamaviaartaramik tamaattumik meeqqat ikittunnguit takananeeqqatigineqartarput, taamaasillutk meeqqat pisariaqartitsisut ulluat oqinnerulersittarlugu.

Angajoqqaat meeqqamut akisussaasuusarmata pingaartipparput Eqqussinermi akisussaaffik tigummissassagaat, taamatullu aallernermi, meeqqamut pingaaruteqartorujussuummat angajoqqaaniit meeqqamut attaveqarluarneq

Ataatsimoorullugu sammisaqaqatigiiffiusartut ilaatigut ukuupput:

Anaalerunneq, sisoriarneq, sisooqattaariarneq, ammiameerneq, nerersuaqatigiinneq, unnussioqatigiineq, orpiliaqatigiinneq.

Meeqqat sulisullu orpiliaqatigiittarnerat pingaartipparput, pissutigalugu Ulluinnarni meeqqat sulisullu ilaqutariittut peqatigiittarmat taamaattumik juullikkunni peqatigiinneq ajorlutik, juullikkunni ilaqtatik ilagalugit orpiliaqatigiittarmata.

Angajoqqaanik suleqateqarneq:

Meeqqap aallartilluarnissaa angajoqqaallu qanimut suleqatigilluarnissaat aallartilluarnissamat, nutaat aallartileraangata ullut pulaarfissat iluanni angajoqqaat immikkut oqaloqatigineqartarput, tassani meeqqap mappianik (Børnemappe) immersueqatigiinneqartarpoq, meeqquerivimmi pissutsit pillugit nassuiaanneqartarlutik. Tunniunneqartarputtaaq Maniitsumi eqqaanilu meeqqueriviit-nut tikilluaqqussut, qeqqata kommuniani meeraaqqeriviit, meeqqueriviit meeqqanut nappaatit tunilluuttartut pillugit malittarisassat.

Pingaartipparput meeqqap toqqisimasumik meeraateqarfimminnissaa, taamaattumik angerlarsimaffimmi allannguuteqartoqarsimatillugu sulisunut apuunneqartarnissaat kissaatiginarpoq, pissutigalugu meeraq toqqisimasuteqangikkuni, angajoqqaat apuussisimatinnagit meeraq tamaviaaruteqartarmat paasisitserusukkaluarluni, sulisullu paasitiaarneqarsimagunik susoqarsimaneramik taava meeqqap malugisartarpaa ullualu oqinnerusarluni.

Pingaartipparput meeraq ullaakkorsioreerluni meeqqueriviliaanneqartassasoq.

Sapinngisamik Meeraq ullaakkut ullaakkorsioreersimalluni meeqqueriviliaanneqartarnissaa kissaatigaarput. Meeqqap ilinniartarmagu angerlarsimaffimmi ullaakkorsioernissaq. Pissusissamisoortutullu isigilertarlugu. Taamaattorli meeqquerivik piareersimasuuteqartarpoq nerisimanngitsunut tamussiutassanik.

Nerisaqarneq

Avataaniit nerisassanik pajutsittarpugut.

Nerisanut tunngasut (madplan) torsuusami nivinngaavimmi takuneqarsinnaapput. Sapigallit eqqumaariffigineqartarput.

Atisaqartitsineq

Angajoqaat akisussaaffigaat meeqqatik silamut naleqquttunik atisaqartissallugit, atisassamaateqartissallugillu. Meeqqat aniikulasuummata.

Pinartoqariataartoqartillugu

Sukkasuumik nakorsiaatassaqaletillugu sulisoq nakorsiaassissaaq, angajoqqaallu ingerlaannaq ilisimatinneqarlutik.

Meeqquvivimmi sulisut nakorsaatitortitseqqusaanngillat, taamaattorli meeraq ataavartumik nakorsaatitortinneqassappat, sulisup aalajangersimasup ilisimaaralugu tunniussisassaaq.

Ukiup ingerlanerani sammisassat pilersaarutit nivinngaavinni nivingasarput.

Angajoqqaat peqataaffigisinnaasaat allagarsiinikkut ilisimatitsissutigisarpagut. Inikkaartumik sammisassat inik silataanni nivinngaavinni takuneqarsinnaapput.

Illup iluani inimut anginernut nuutsisisarneq

2½ missaani ukioqaleraangata, pingatseereersutullu piginnaaneqaleraangata, meeraaqquvivimmiit meeqqquvivimmut (ini pingajuanut) nuutinneqartarput. Meeraq pillugu paasisutissat ingerlateqqinneqartarput. (overgangsskema). Nuutitsinermi iliuusissaaq, sulisut angajoqqaanut ilisimatitsisarput kingornalu allakkanik tunniussisarlutik, meeqqquviveqarfiullu allaffianut nalunaarutigalugu. Angajoqqaanillu suleqateqareernikkut nuutitsisoqartarpoq, sapinngisamik meeraaqquqat minnerpaamik marluk ataatsikkut nuutinneqartarput. Meeraq kiserliortutut misigitinneqannginniassammat.

Atualertussaleriffimmut nuuttartut

Meeqqat sisammeereeraangamik Aanikasimmut (Atualertussaleriffimmut) nuuttarput. Nuuttussallu angajoqqaavi ilisimatinneqartarput.

Avataanut suleqatigineqartartut

Meeqqat peqataaffigisartagaat ilaatigut makkua: Neriusaaq (utoqqaat angerlarsimaffiat), Paarnguliaq (utoqqaat timersoqatigiiffiat), katersugaasivik, allallu paasisassarsiorfigalugit. Illoqarfimmilu pisoqartillugu akuutinneqarlutik.

Qamutaasivik

Meeqqquviviup silataaniittoq qamutaasivik, qamutaasivimmut ilisat angajoqqaat namminneq akisussaaffigaat.

Sulisut suliaminnut tunngatillugit ataatsimiiffigisartagaat attaveqatigittarfiilu

Ullut tamaasa nalunaaqutaq 09:15- 09:30. Ininit tamanit sulisoq ataaseq,illumi aqutsisoq,igaffimmiorlu naapittarput,paasissutissanik tunioqqaatigiillutik (Morgenmøde).kingorna eqaarsaaqatigiittarput.

Sulisut qaammatit tamaasa illup iluani ataatsimiiffigisartagaa.

Ullaap tungaani

- Illumi,ininilu aqutsisut,pisariaqarfiatigt igaffimmioq peqataasarpoq.
- Perorsaanilerineq pillugu ataatsimiittarneq,tassani illumi aqutsisoq, inini sulisut tullerriaallutik peqataasarput..
- Illoqarfimmi meeqqeriveqatigiit akornanni ataatsimiittarnerni peqatigineqartarput meeqqerivinni aqutsisut tullersortit, meeqqeriviillu ataqatigiissarisua aammalu meeqqeriveqarfiup allaffimmia.

Unnukkut ataatsimiittarnerit

- Sulisut tamarmiullutik ataatsimiittarput.
- Inini suleqatigiit ataatsimiittarput.

Illup avataani ataatsimeeqateqartarnerit

- Meeqqeriveqatigiit (Børnehavemøde)
- Meeraaqqeriviit(Vuggestumøde)
- Meeqqeriveqatigiit tamarmiullutik(Fællesmøde).
il.il.

2020-mut sammisassatut ini “Niviukkat”-ni pilersaarutigineqartut meeraaqat 12. 0-3 år.

Qaammat	Sammissassat
Januar	Atisat taaguutaat aamma atinissai sammillugit
Februar	Nammineq kinaassuseq ilaquttallu qaniginerusat,suliffiilu ilanngullugit sammillugit,ilaquttat assiinik nassarneq
Marts	Timip taaguutai sumullu atortarnersut
April	Aput sammillugu
Maj	Silami salineq
Juni	Timi aalatillugu
Juli	Silami naasunik katersineq
August	Nunami sanalugassanik katersineq/paarnanik nunianneq
September	Uumasuutininik pulaartoqarneq
Oktober	Nunatta uumasuisa taaguutai sammillugit
November	Juullisiutininik erinarsuutininik sungiusarneq
December	Juullimut assassorneq,pikineq

- Meeqqat eqimattanngorlutik aammalu ataatsimoorlutik sammisaqartassapput.
- Pinngortitami silamilu atuineruneq.
- Meeqqat pisinnaasaannik qaffassaaneq.
- O.I(oqaloqatigiilluni ilitsersuineq) atorlugu sammisaqartarneq.
- Nunatta pissarititaanik qaammarsaaneq.

Pilersaarusiortut Meeraateqarfik” Paarsi”-mi ini “Niviukkat”-ni sulisut.

2020-imut sammisassatut ini "Pakkaluk"-ni pilersaarutigineqartut meeraaqqat 12. 0-3 år.

Qaammat	Sammisassat
Januar	Meeqqap kinaassusaa
Februar	Qilaatip atornissaa
Marts	Erinarsuutit aalaatitallit
April	Qaratsamik eqaarsarneq,eqqaamanniissinnaanermut
Maj	Kiinnap pisataanik sammisaqarneq
Juni	Timi aalatillugu
Juli	Pussugissarneq
August	Arsamik atuisinnaanermut sungiusarneq
September	Naasunik katersineq
Oktober	Nunatta uumasuunik sammisaqarneq
November	Atisalersornermik sammisaqarneq
December	Juullip isumaa

- Meeqqat eqimattanngorlutik sammisaqartassapput, ilaatigullu ataatsimoorutitalinnik sammisaqaqatigiittassallutik.
- Pingaartinneqarnerullunilu meeraq imminut isumagisinnaanngornissaminut sungiusarnissaa.
- Meeraqatiminik peqateqarluni sammisaqaqateqarnissaminut,pinnguaqateqarnissaminut sungiusarnissaa.

Pilersaarusiortut Meerateqarfik "Paarsi"-mi Ini "Pakkalukat"-ni sulisut.

“Qilalukkat”-ni 2020-mi anguniagassat:

- Atuisut “qilalukkanut”nut akuunerunissaat:
- Nereqatigiinneq: Ulluinnaassaaq nal. 17-19 nammineq nerisassanik nassarluni,aaqqissuisussanik aalajanginneq,Paarsip pilliutigisinnaasai: Igaffik,inersuaq,inerput,init allat matoqqassapput.
- Ukiup ingerlanerani nalliuttut pisartunut akuunerunissaq,aaqqissuisut pisoqannginnerani aggiaarlutik piareersaaqataaneq assers: Påske-lernerani ullaakkut meeqqat,angajqqaat sulisullu ullaakkorsioqatigiinneq.
- Aasakkut pinnguartarfinni atorluaaneq,kaffe-llerneq,pinnguaatinik unammineq,appisimaarneq.
- Illoqarfipput Maniitsoq soqarpa?
- Silatitsinni arpaqatigiinneq”Hetesko”kaajallallugu
- Meeraateqarfik”Paarsi”nuannersoq
- Ataatsimiisitsinermi amerlasuut takkuttarnissaat
- “Qilalukkat”-ni anguniagaq:”Meeraq imminut tatigisoq”
- Grupper-neq sammisaqarneq
- Timip atornerunissaa,eqaarsaarneq
- Aneerneq/Pisuttuarneq
- Eqaarsaarneq
- Kalaaliunerput samminerullugu

“Qilalukkat”-ni inikkaarluni atuisunik ataatsimiisitsinitsinni ulloq marlun. 5/11-19 sulisut angajoqqaallu ukioq 2020-mut anguniagssatut qulaani allassimasut aaliangiuppagut.

“Qilalukkat”-ni sulisut

Ukiumut 2020-vimut pilersaarummut allaatiginnittoq Meeraateqarfik”Paarsi”-mi aqutsisoq:
Mette Rosing Petersen.